

F. L V Y S I I L E-  
G I O N E N S I S A V G V S T I-  
N I A N I D I V I N O R V M L I-  
B R O R V M P R I M I A P V D S A L-  
M A N T I C E N S E S

INTERPRETIS.

IN CANTICA CANTICORVM SOLO-  
MONIS EXPLANATIO.

*Ad serenissimum Principem Albertum, Austriae  
Archiducem, S. R. E. Cardinalem.*



SALMANTICÆ,

Excudebat Lucas à Junta. M. D. LXXX.

CVM PRIVILEGIO.

*f. ille fon. de arevalo. f. m. de Toledo. 120*

**F**R. Petrus Xuarez ordinis D. P. Augustini in Prouin-  
cia Castellæ prior prouincialis Fratri Luysio Legio-  
nensi Theologiae professori, atque magistro eiusdem ordinis,  
& voti. S. Quoniam officij nostri est, religionis bono &  
honori, in ijs præcipuè rebus quæ ad publicam proximorum  
vtilitatem spectant, omni ratione seruire, & ad idem excita-  
re, & adhortari omnes huius prouinciæ viros à quibus id com-  
modè fieri posse intelligimus. quoniamque scimus te plura &  
ad sacrarum literarum explanationem, & ad Theologicas  
quæstiones pertinentia scripsisse, quæ si edantur sint publicè  
vtilia futura, idcirco tenore præsentium, & nostri officij au-  
thoritate in virtute Spiritus sancti, & in meritum sanctæ obe-  
dientiæ tibi præcipimus, vt quos habes confectos in Canticum  
Canticorum Solomonis commentarios primum, deinde reliqua  
omnia, quæ & in sacras literas & de Theologicis quæstioni-  
bus commentatus es, typis mandes. Datum Salmanticæ  
XI. Calend. Ianuarij. Ann. M. D. LXXVIII.

F. Petrus Xuarez,  
Prouincialis.

\* 2 EX-

# SERENISSIMO

PRINCIPI ALBERTO AV-

STRIAE ARCHIDUCI S. R. E.

Cardinali, F. Luyfius Legionensis

Augustinianus

S. P. D.



VOD, ET LITE-  
rarum studia colis, & stu-  
diosos literarum diligis, id-  
que præ te ipse fers, & cun-  
ctis notum esse vis, in spem  
veni, Alberte Principum de-  
cus, si hos meos in Cantica  
Salomonis Commētarios tuæ celsitudini, quod  
nunc facio, dicassem, id tibi non ingratum futu-  
rū. Eoq; magis adductus sum, id vt facere aude-  
rem, quòd memineram superiore anno, cū obse-  
quium tibi meum, atque adeo me ipsum totum  
offerrem, quali me & vultus hilaritate, & ver-  
borum comitate excepisses: quodq; ex Alphon-  
so Coloma cubiculario tuo postea cognoue-  
ram, memoriam mei non abiecisse te, sed è tuo  
isto fastigio ad meam humilitatem nonnun-  
quam desplicere, & in tuis sermonibus mentio-

IN CANON

# CANTICVM CANTICORVM SALOMONIS.



**S**ALOMON HOC IN carmine, quod conscripsit dictante illi Spiritu sancto, mutuum inter Deum, & homines amorem exposuit, id est, Christi tum erga Ecclesiam totam, tum erga fideleis singulos amorem. Exposuit autem non ipsos, aut Christum, aut Ecclesiam palàm loquenteis inducens, sed introducens tanquam in scènâ inter se amanteis coniuges duos, qui Christi, & Ecclesiæ personam sustinerent, & mutua erga se charitate exprimerent summam illam, & cælestem coniunctionem amoris, quæ est inter Christum, & Ecclesiam. Itaque tota huius libri oratio, figurata est, & allegorica. Allegoricam dico, non ea allegoria, quam D. Paulo authore, inducunt Theologi, cum in sacris literis, à literæ, quem vocant sensu, allegoricum sensum distinguunt: sed quam tradunt rhetores effici ex perpetua metaphora. Constat autem oportere, vt quod isto modo figuratè, & allegoricè dicitur, id omne ducatur ex eius rei natura, è qua similitudo transfertur, id est, ex ea re, quæ palàm

*Orig. p̄v̄o  
lo. in can.  
Psell. pro  
lo. in can.  
Hiero. li.  
1. aduers.  
Ioui. Ber-  
nar. hom.  
8. in can.  
Lyan in  
c. 4. canti-  
corum.*

A            adhibe-

SALMANTICÆ

Excudebat Lucas à Iunta. MDLXXX

CVM PRIVILEGIO.